



# **Universitätsbibliothek Paderborn**

## **Biennii Peripatetici**

Complectens Quæstiones Logicales Una Cum Institutionibus Dialecticis Ad  
Antiquorum Recentiorumque Mentem Resolutas, Nec Non Juxta Modernam  
Scholarum Peripateticarum Methodum Elaboratas & Explicatas

**Kretz, Marquard**

**Heripoli, 1749**

§. 2. In quo consistat?

[urn:nbn:de:hbz:466:1-52248](#)

130 DE DISTINCTIONE RATIONIS.

quidem eodem, sed diverso modo sumpto: h. e.  
de homine concepto ut animali dicitur, quod  
sit principium sensationum, & de eodem homi-  
ne, sed concepto ut rationali, hoc ipsum ne-  
gari potest.

§. II.

*In quo consistat Distinctio Rationis ratiocinatae?*

159. *Dico.* Distinctio rationis ratiocinatae non consistit formaliter in duabus cognitionibus, aut in una his æquivalente; sed in concreto est ipsum objectum intentionaliter existens, prout est aliud ab altero. v. g. Animal in statu intentionalis existens distinguitur à rationali per suam entitatem logicam, quam in hoc statu habet, non quidem absolute sed respectivè sumptam, sive prout est alia ab entitate rationalis. In abstracto autem distinctio hæc nil aliud est, quam Alietas intentionalis. *Ratio 1. partis* est; quia cognitiones tanquam causæ extrinsecæ dant esse intentionale rei; sed quod sic dat esse intentionale, non est ipsa distinctio formaliter, sed causaliter tantum; ergo distinctio rationis non consistit formaliter in ipsis Cognitionibus. *Rationes 2. & 3. partis* desume ex n. 144. ubi probavimus distinctionem realem consistere in Relatione alienatis, & huic materiæ applica.

160. *Obj. 1.* Distinctio rationis in abstracto est illa forma, per quam res eadem dicitur exercitè aliter & aliter repræsentata; sed res dicitur sic repræsentata per ipsas cognitiones inadæquatas eandem rem exercitè inadæquatè cognoscentes; ergo ipsæ cognitiones sunt distinctio rationis

rationis formaliter. *R. D. maj.* Per quam tanquam formam merè extrinsecam, & activè res eadem dicitur exercitè aliter & aliter repræsentata. *N.* Per quam tanquam formam intrinsecam & passivè sic dicitur repræsentata *C. D. etiam min.* sed res dicitur sic repræsentata per Cognitiones &c. tanquam per formam extrinsecam & activè *C.* tanquam per formam intrinsecam & passivè *N. min. & conf.* Adverte hic, cognitionem dici posse distinctionem activam & extrinsecam ad intrinsecum; res autem ut inadæquatè substans Cognitioni est ipsa formalis distinctio passiva intrinseca ab extrinseco, scilicet à cognitione. *Si aīs:* Præcilio rationis est distinctio rationis; sed præcilio est Cognitio; ergo. *R. D. maj.* Præcilio causalis & activa est, distinctio rationis *N.* formalis & passiva *C.* sed de præcisione plura inferiùs.

*161. Obj. 2.* Si res ipsa est distinctio rationis in *concreto*, ergo hæc dabitur nemine cogitante; sed hoc implicat; ergo. *R. D. maj.* Si res ipsa secundum suum esse reale & physicum & adæquatum sit distinctio rationis, tunc hæc dabitur nemine cogitante. *C.* Si res ipsa secundūm suum esse intentionale & inadæquatum sit distinctio rationis, tunc &c. *N.* Prius implicat, non posterius.

*162. Observa.* Hæc conclusio impugnari ulteriùs potest iisdem argumentis, quibus supra impugnabatur conclusio nostra de distinctione reali; igitur plures responsiones ex illa thesi pro hac defendenda depromere poteris.